

ADYAYA I

PURWAKA

1.1 Dadalan Pikobet

Peplajahan basa Bali sampun lumrah kaicen ring sekolah saking Sekolah Dasar kantos Sekolah Menengah Atas miwah Kejuruan. Peplajahan bahasa Bali ngranjing ring peplajahan sane nenten sida lempas sajeroning kawagedan mabasa inggihannyan peplajahan basa Bali materinyane sekadi tata basa, anggah ungguhin basa, aksara Bali miwah kesusastran Bali. Kawentenan peplajahan ring sekolah nenten lempas antuk paiketan sareng guru, antuk punika guru madue swagina sane mabuat pisan ring sekolah. Guru patut nguratiang indik pangrencana peplajahan sane kaanggen mangda anut sareng pawatekan sisia. Pawatekan sisia patut kaurtiang mangda ri tatkala ngamargiang papalajahan sisia marasa seneng miwah ngmolihan kawagedan sane becik. Peplajahan sane kamargiang patut kauningin indik panampen sisia mangda peplajahan sane jagi kamargiang prasida wenten paubahan nganutin pikolih panampen sisia.

Panampen sisia prasida kapolihan antuk ngicenin angket ri tatkala guru sampun usan ngamargiang peplajan. *Tindak miwahjut* punika pinaka rupa *refleksi* indik peplajahan punika. Wenten mekudang-kudang pikobet sane kaanggen *penilaian* indik panampen sisia minakadi; (1) tata cara guru ngicenin pelajahan. (2) pangresep materi sane kaicen, (3) peplajahan basa bali kirang menarik, (4) peplajahan sane kasenengin sisia, (5) media sane kanggen ring peplajahan. Manut pikolih pratiaksa ring sekolah sareng gurunyanane ibu Ni Putu Mei Aryantini, S.Pd. pikolih peplajahan sinalih tunggil peplajahan paribasa Bali sane kaajahin ring peplajahan basa Bali Kantun kirang, santukan ring tetujon peplajahan ring

semester genap sane maosang ngenenin indik peplajahan paribasa Bali inggih punika “makarya naskah dialog nganggen paribasa Bali” tetujon peplajahan puniki durung kasenggung inovatif santukan wantah ngaryanin naskah kemanten. Peplajahan punika prasida makarya produk sane marupa video. Kawagedan sisia ring sajeroning peplajahan paribasa Bali nenten kawagedan antuk pikolih teks kemanten nanging prasida kauningin kawagedan sisia ngawigunayang paribasa Bali punika antuk dialog utawi tuturan punika naler prasida nincapang kosa basa Bali sisia.

Pikobet sane kapanggih lianan ring nenten manut ring tetujon peplajahan wenten pikobet ri tatkala ngamargiang peplajahan minakadi; 1. pangresep sisia ngenenin indik materi pamlajahan sane kasobyahang ring kelas kanton kirang. 2. sisia nenten *fokus* ri tatkalaning guru nelatarang indik *matri* peplajahn, 3. Guru kari nganggen *metode ceramah* ri tatkala ngicenin materi paplajahan, 4. Model peplajahan sane kanton konvensional. Indik kawentenan pikobet punika patut katepasin antuk nyobiahang model peplajahan sane inovatif miwah kreatif sakadi ngawigunayang indik model paplajahan madasar antuk projek utawi karya sae kasungguh *Projek Based Learning (PjBL)*. Nganuting pikobet sane ring ajeng prasida katepasin antuk *PjBl* santukan *PjBL* punika *model* pamlajah sane nganggen projek. NYC Departement of Education (2009) maosang *strategi* peplajahan puniki ngaptiang sisia ngewangun kawagedan pekaryan soang-soang sisia miwah ngawigunayang pengeresep sane anyar ngeranjing ring kawentenan *representasi* nyane. Ring kawentenan pengeresep ring para ahli, prasida kajantenang *PjBL* punika model peplajahan sane ngutamayang panglaksana sisia antuk ngewangun miwah ngaresepang *konsep* ring projek sane kapolihang miwah

prasida nepasin pikobet ring kahuripan para sisia. Sisia dirika ngalaksanayang *eksprolasi, penilaian, interpretasi, sistensis*, miwah *informasi* antuk ngamolihang makudang-kudang rupa *hasil* ring peplajahan (Dryanto, 2014: 23).

Pinaka jalaran kaanggen nepasin pikobet punika, guru mangda ngrereh *model* peplajahan sane patut anut ring kurikulum miwah kawentenan sisia sajeroning peplajahan maparibasa Bali. Ring tetilikan puniki, pacang nganggen sinalih tunggil *model* peplajahan sane prasida nincapang kawagedan pikayunan sisia ri sajeroning muputang pikobet (*berpikir kritis*) inggih punika nganggen *model* peplajahan *Projek Based Learning (PjBL)*. Manut Goodman miwah Stivers (2010) maosang indik *PjBL* inggih punika *model* peplajahan sane kaanggen ring parikrama peplajahan sane sekala, sane ngicenin sisia pikobet sane mapaiketan ring kahuripan sadina-dina antuk kapuputang sajeroning masekaa utawi soang-soang diri nganutin *projek* sane kakaryanin. *Model PjBL* kaanggen *model* peplajahan ring peplajahan maparibasa Bali, santukan *model* puniki *model* peplajahan sane marupa *projek* sane anut kaanggen ring peplajahan maparibasa Bali taler ngawinang sisia maduwe parisolah sane *aktif*, miwah *kreatif* punika ngawnang ngawigunayang *model PjBL* prasida *mendukung* panglimbak parisolah sisi nganutin *profil pelajar pancasila*. Lianan saking punika, taler ngicenin sisia pamargi sane sekala utawi *nyata* ring pamargi peplajahan, ngawinang sisia *aktif* miwah *kreatif*, taler nincapang kaweruhan miwah kawagedan sajeroning peplajahan paribasa Bali ring sisia kelas VIII A SMP Negeri 5 Melaya.

Tetilikan nganggen materi paribasa Bali boya je tetilikan sane kapertama. Santukan daweg sane sampun lintang wenten tetilikan sane nilikin paribasa Bali inggih punika tetilikan saking Dewa Ananda (2022) tetilikanyane mamurda

“Media Audio Visual Kaanggen Nincapang Kawagedan Maparibasa Bali Antuk Video Lawak bali sisia kelas XI MIPA 1 SMAN 1 Sukawati”. Sane ngabinayang sareng tetilikan sane pacang kamargiang inggih punika nuju sareng *model* peplajahan taler jejereng, miwah penandang tetilik. Peplajahan paribasa Bali prasida nincap yening nganggen *model* peplajahan sane *inovatif*. Prasida kacudetang yening tetilikan punika sareng tetilikan sane jagi kamargiang pateh nganggen materi paribasa Bali sane kaanggen sarana tetilikan. Taler kaweruhan sisia indik paribasa Bali prasida kalestariang miwah sayan nincap ring padewekan sisia.

Kadasarin antuk makudang-kudang dadamiwah pikobet sane kapolihang ring ajeng, ring tetilikan puniki pacang kawigunayang *model* peplajahan PjBL sane prasida nincapang kawagedan maparibasa Bali ring sisia kelas VIII A SMP Negeri 5 Melaya. Punika mawinan murda ring tetilikan puniki “Nincapang Kawagedan maparibasa Bali Antuk *Model Projek Based Learning* ring sisia kelas VIII A SMP Negeri 5 Melaya” tetilikan puniki ka aptiang mangda guru miwah sisia prasida ngamargiang *model* peplajahan *PjBL* puniki ring sekolah, mangda sisia punika sayan waged malajah ring kelas utamanyane ring materi peplajahan paribasa Bali.

1.2 Ngrereh Pikobet

Ri sajeroning tetilikan puniki, panilik sampun manggihin makudang-kudang pikobet sane prasida kasobiyahang ring dadaging miwah pikobet. Pikobet-pikobet punika mapaiketan indik kawagedan sisia sajeroning pamlajahan paribasa Bali. Pikobet sane sampun kapolihang ngenenin indik paribasa Bali luiornyane, (1) sisia akeh sane sane durung prasida antuk minayang indik soroh-soroh paribasa

Bali. (2) sisia kirang seneng indik *model* peplajahan sane kaanggen olih guru. (3) Guru during ngawigunayang *model* paplajahan sane inovatif. (4) Guru kirang ngamargiang *refleksi* peplajahan. (5) Guru kirang urati ring piranti peplajahan sane kaanggen.

1.3 Ngwatesin Pikobet

Sajeroning tetilikan sane pacang kalaksanayang, panilik nureksain malih indik pikobet-pikobet sane sampun kapolihang. Pikobet puniki kawagedan santukan wenten makudang-kudang parindikan, luiornyane tetilikan kabanda antuk galah, mangda prasida ngicenin galah sane tiosan majeng ring para panilik tiosan ri sajeroning nyangkepin miwah maripurnayang tetilikan sane sampun kakaryanin. Malarapan antuk pikobet punika, pikobet sane kawagedan inggih punika pamargi peplajahan Paribasa Bali ingihan punika.

1. Ngawigunayang *model* sane *Inovatif*. Inggih punika *model PjBL*.
2. Nincapang kawagedan sisia antuk *model PjBL*
3. Nincapang pikayunan sisia antuk peplajahan paribasa Bali nganggen *PjBL* ring sisia Kelas VIII A SMP Negeri 5 Melaya.

1.4 Bantang Pikobet

Malarapan antuk pikobet sane sampun pikobet ring ajeng, bantang pikobet tetilikan sane prasida kapolihang inggih punika:

1. Sapunapi pidabdab ri kala ngalaksanayang peplajahan paribasa Bali nganggen *model PjBL* ring kelas VIII A SMP Negeri 5 Melaya?
2. Sapunapi pikolih ri kala ngawigunayang *model PjBL* sajeroning

ngalaksanayang peplajahan paribasa Bali ring Kelas VIII A SMP Negeri 5 Melaya?

3. Sapunapi panampen sisia ri kalaning ngalaksanayang peplajahan paribasa Bali nganggen *model PjBL* ring kelas VIII A SMP Negeri 5 Melaya?

1.5 Tetujon Tetilikan

1.5.1 Tetujon Pamucuk

Tetujon pamucuk ring tetilikan puniki inggih punika Mangda prasida nincapang kawagedan peplajahan paribasa Bali ring sisia indik ngawigunayang model sane manut.

1.5.2 Tetujon Panglimbank

Malarapan antuk bantang pikobet ring ajeng, tetujon tetilikan puniki inggih punika:

1. Mangda prasida nelatarang pidabdab ri kalaning ngalaksanayang peplajahan Paribasa Bali nganggen *model PjBL* ring kelas VIII A SMP Negeri 5 Melaya.
2. Mangda prasida nyantenang ri kala ngawigunayang *model PjBL* sajeroning peplajahan paribasa Bali ring kelas VIII A SMP Negeri 5 Melaya.
3. Mangda prasida uning sajeroning panampen sisia ri kalaning ngalaksanayang peplajahan paribasa Bali nganggen *model PjBL* ring kelas VIII A SMP Negeri 5 Melaya.

1.6 Kawigunan Tetilikan

Kawigunan tetilikan sane mamurda “Nincapang Kawagedan maparibasa Bali Antuk Model *Projek Based Learning* ring sisia kelas VIII A SMP Negeri 5 Melaya” madue kalih kawigunan, inggih punika: 1) kawigunan pamucuk, miwah 2) kawigunan panglimbak, sekadi ring sor puniki.

1.6.1 Kawigunan Pamucuk (*Teoritis*)

Tetilikan puniki kaaptiang mangda prasida mawiguna ri sajeroning nincapang kawagedan maparibasa Bali, utamanyane sajeroning panglimbak miwah ngrereh *model* peplajahan sane sida becik ka anggen sisia ri sajeroning maparibasa Bali. Minakadi sisia punika prasida becik ri tatkalaning mabebaosan miwah prasida ngawigunayang soroh-soroh paribasa Bali puniki ring angga soang-soang sisia. Antuk punika peplajahan puniki jagi nganggen model peplajahan *PjBL*, mawinan *model* puniki prasida mawiguna majeng ring sisia Kelas VIII A SMP Negeri 5 Melaya, sumangdane sisia punika waged sajeroning melajah. Ngenenin indik pikolih tetilikan puniki mangda prasida mawiguna sajeroning panglimbak kaweruhan widya ring wewidangan paguron-guron indik peplajahan paribasa Bali, utamanyane indik polah-palih peplajahan ring kelas.

1.6.2 Kawigunan Pangalimbak (*Praktis*)

Kawigunan pangalimbak sane kapolihang saking tetilikan puniki, inggih punika:

a. Majeng ring Sisia

Kawigunan tetilikan puniki majeng ring sisia kaaptiang mangda prasida nincapang kawagedan ring pamajahan paribasa Bali. Mawinan sedurungnyane, sisia kirang keresep tekening pamajahan miwah ring soang- soang sisia kimud

antuk malajah. Malarapan antuk Nincapang Kewagedan Maparibasa Bali Antuk *Model Pembelajaran Berbasis Projek PjBL* puniki, kaaptiang mangda prasida seneng melajah, tur prasida antuk nincapang kawagedan sisia.

b. Majeng ring Guru Basa Bali

Kawigunan tetilikan puniki majeng ring guru kaptiang mangda prasida ngewantu guru antuk nincapang kawagedan ngewedaran pengajah-ajah nganggen projek peplajahan inggih punika *projek PjBL*.

c. Majeng ring Panilik Lianan

Kawigunan majeng ring panilik lianan inggih punika kanggen pratiwimba miwah tetimbangan yening iraga pacang makarya tetilikan sane masaih tekening tetilikan puniki ngenenin indik nincapang kawagedan sisia antuk ngawigunayang *model* peplajahan sane manut kaanggen ri tatkalaning nglaksanayang peplajahan Paribasa Bali.

